



Publicaziuns dalla vischnaunca, jamna 45

Damondas da baghegiar

2015-1040.000

Datum dalla publicaziun: Ils 6 da november 20155

Il patron: Swisscom (Schweiz) AG Bern, Ringstrasse 34, 7000 Chur
Il representant: Swisscom (Schweiz) AG Bern, Ringstrasse 34, 7000 Chur
Object: Installaziun d'antennas novas e demontascha d'antennas directivas, parcella 2915, Runfoppa Sut, 7180 Disentis/Mustér

2015-1041.000

Datum dalla publicaziun: Ils 6 da november 2015

Il patron: Thomas Monn, Wachterweg 3, 8057 Zürich
Il representant: Biro d'architectura Rico de Castelberg, Via Alpsu 2, 7180 Disentis/Mustér
Object: Spazzar casa e clavau, construcziun d'ina nova casa da pliras famiglias, parcella 790, Via Veglia 3, 7180 Disentis/Mustér

- Ils plans da construcziun ein deponi tier l'administraziun communal.
 - L'investa publica cuoza 20 dis dapi il datum dalla publicaziun.
 - Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér.
- La protesta sto esser motivada e suttascretta dil recurrent ni da siu representant.

Disentis/Mustér, ils 4 da november 2015
Uffeci da baghegiar Disentis/Mustér

Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2015 – 2092.000

Vischnaunca Disentis/Mustér, Via Cons 2, 7180 Disentis/Mustér; sanaziun dalla scala a Davos Mustér, parcella 853, Davos Mustér, 7180 Disentis/Mustér.
Encunter quella decisiun san ins protestar a scret enteifer 20 dis dapi la publicaziun alla supras-tonza communal.

Disentis/Mustér, ils 2 da november 2015
Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **gievogia e venderdis, ils 19 e 20 da november 2015**, mint-gamai allas 2015 en casa communal.

Tractandas:

1. Protocols nr. 24- e 25-2013/2016
2. Program d'actividad 2013-2016 (messadi nr. 33-2013/2016)
3. Preventiv 2016 (messadi nr. 34-2013/2016)
4. Plan da finanzas 2017-2021 (messadi nr. 34-2013/2016)

Il president dil cussegl da vischnaunca



Fiera da Sogn Martin

Gliendisdis, ils 9 da november 2015 ha liug l'usitada fiera da Sogn Martin. Ils stans vegnan endrizzai sin la Via Lucmagn e parzialmein sin la Via da Scola e la Via Cons.

Las preparativas entras la vischnaunca entscheivan quei di allas 5.00 e la fiera ha liug naven dal las 7.30 entochen allas 18.00. Silsuenter settracta ei da far uorden, quei che cuoza entochen ca. allas 19.30.

Per evitar incaps, supplichein nus las fatschentas el contuorn dils stans da fiera da ton sco pusseivel buca schar vegnir quei di autos cun pli grondas furniziuns.

Per la capientscha engraziein nus grondamein.

Uffeci da baghegiar Disentis/Mustér

Sera d'informaziun publica

Invitaziun

Mesjamna, ils 11 da november 2015 allas 20.15 ha liug en halla Cons ina informaziun publica davart la votaziun communal dils 29 da november 2015.

Las votantas ed ils votants vegnan informai en detagl davart il cuntegn dalla revisiun parziala dalla planisaziun locala (zona da mistregn Pignola/Marias, zona speciala Catrina, zona speciala Disentiserhof e zona d'ennevar). Alla fin dall'informaziun vegn dau la pusseivladad da tschentar damondas.

Il messadi per la votaziun dil pievel obtenis Vus proximamein cun la documentaziun da votar. Dils acts davart la revisiun parziala dalla planisaziun locala sa vegnir priu investa naven dils 12 entochen ils 27 da november 2015 en casa communal (stanza da publicaziuns officialas 10) mintgama duront il temps da spurtegl. La documentaziun vegn plinavon publicada sin la pagina d'internet www.disentis.ch/Agenda.

A tuts interessai in cordial beinvegni a quell'informaziun en favur d'in svilup prospereivel da nossa vischnaunca.

Suprastonza communal

Sezs/posts da catscha e tegias da laghetg pil diever da catscha

Tenor disposiziun dalla vischnaunca e dalla survigilonza da catscha ein tegias da laghetg e posts/sezs da catscha d'annunziar als organs communal.

El decuors da quest atun ei vegniu constatau che buca tuts posts da catscha installai il davos temps ein vegni annunziai. La suprastonza communal supplichescha perquei in e scadin catschadur d'indicar ses sezs cul formular official. Il formular sa vegnir retratgs dall'administraziun communal ni via internet [www.disentis.ch/ Downloads /Menaschi tecnic](http://www.disentis.ch/Downloads/Menaschi_tecnic) ed ei d'inoltrar entochen ils **30 da november 2015** all'administraziun communal, caum postal 57, 7180 Disentis/Mustér. D'annunziar ein tuts posts da catscha aunc buc annunziai. Quell'obligaziun vala per tut ils sezs ad ault, posts giun plaun e tegias da laghetg. Las annunzias vegnan integradas egl inventari dils objects erigi per gronda part sin terren public. Per posts da catscha che vegnan postai sin terren privat basegna ei il consentiment dil proprietari da terren. Ils sezs e las tegias da laghetg che vegnan buca annunziai vegnan allontanai entras ils organs communal ed ils cuosts persuerter adossai als possessurs.

Suprastonza communal

Tagliar caglias e plontas

Tenor art. 75, al. 4 dalla lescha da baghegiar astgan plontas buca disturbar la vischinonza ni la segirtad publica.



Per liug dallas vias publicas e privatas sco era sendas ein tuttas caglias e plontas da tagliar anavos, aschia che nuot survarga il cunfin (era buca suenter ch'ei ha neviu). Quellas lavurs ston esser finidas sil pli tard entochen la **fin da november 2015**. En cass che las caglias e plontas vegnan buca tagliadas anavos enteifer il termin fixau, vegnan quellas lavurs exequidas entras il survetsch tecnic dalla vischnaunca cun adossar ils cuosts als proprietaris.

Disentis/Mustér, october/november 2015
Uffeci da baghegiar Disentis/Mustér

Seniors/senioras 60+ dalla vischnaunca da Mustér

L'otra jamna retscheivan tuttas convischinas e tuts convischins da Mustér 60+ posta cun l'invitaziun ad ina sentupada che ha liug mesjamna, ils 25 da november 2015 dallas 14.00–16.30 en halla Cons. Annunzias ein da far entochen ils 18 da november 2015.

A caschun da quella sentupada vegn presentau las ideas dallas gruppas da lavur per activitads per seniors/senioras 60+ da Mustér.

Vegni stediamein. Mo communablamein savein realisar purschidas che corrispundan a Vos giavischs. A quella sentupada envidan las gruppas da lavur ensemen cun dunna Madleina Barandun, Pro Senectute, dunna Marianne Lüthi dil post da sanadad dil cantun e geraua Cecilia Maissen-Desax.

Serrada dalla scala Mobilias Fry

La scala pils pedunzs che colligia la Via Sursilvana cun la Via Davos-Mustér sper la fatschenta Mobilias Fry vegn sanada.

Duront il temps da sanaziun sto la scala vegnir serrada naven da gievgia, ils 5 da november entochen la fin dil meins da november 2015.

Bien engraziament per la capientscha.

Uffeci da baghegiar

Uniun da dunnas Mustér

Preavis – Radunonza generala extraordinaria, venderdis, ils 13 da november 2015, allas 20.00 el Center aua Viva a Raveras.

Bugen sperein nus sin ina stedia participaziun, va ei gie per igl avegnir da nossa uniun. Cordialmein envida:

Suprastonza uniun da dunnas e la gruppa d'interess

La Lia Rumantscha a la fiera Sogn Martin a Mustér

La Lia Rumantscha (LR) è sin via: A chaschun da la fiera da Sogn Martin a Mustér, ils 9 da november 2015, va la LR a la tschertga da las Rumantschas e dals Rumantschs. Al stan da la LR ha mintga visitader rumantsch la pussaivladad da sa registrar en il bel Cudesch rumantsch. En pli è ella preschenta cun divers products, café e biscuits.

La fiera da Sogn Martin ha ina gronda tradiziun ed ha lieu mintg'onn a Mustér. Igl è ina fiera da rauba, ma oravant tut in lieu da sentupada per giuven e vegl da la Cadi. La LR vules dar a tuts la pussaivladad da sa registrar – spezialmain er a persunas attempadas che n'han nagin access a l'internet. Dapi il cumenzament da la dumbraziun ils 15-5-2015 èn gia sa registradas 3530 persunas.

Vus chattais la Lia Rumantscha al stan nr. 131 visavi dal Volg da Mustér. La fiera cumenza a las



8.00 e dura fin las 18.00.

Persuna da contact:

David Flepp, promotur regional LR, tel. 081 920 80 70, e-mail: david.flepp@rumantsch.ch

Clom d'urgenza 118

Preziadas vischinas, prezias vischins Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donnos cun mintga minuta spiarsa pli gronds. Perquei s'adrebbein nus a Vus cun ina ferventa supplica: *clamei ils pumpiers mo sur il clom d'urgenza 118.*

Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: www.pumpiers-sursassiala.ch.

Engraziel per Vies sustegn!

Vos pumpiers Sursassiala

Uniun samaritana Mustér

Referat digl anteriur avat Daniel Schönbächler sur da sias experientschas cun la kinesiologia

Quei referat che l'uniun da Kneipp Surselva organisescha vala per nus sco exercezi meinsil e ha liug **gliendisdis, ils 9 da november** allas 20.30.

Nus s'entupein allas 20.15 avon la sala dalla claustra.

A stedia participaziun envida *la presidenta*

Frauenturnverein Disentis

Unser Turnverein hat ein neues Angebot:

Line-Dance 1x im Monat

Daten: Donnerstag, 12. Nov., 17. Dez. 2015 und 28. Jan. 2016, um 20.00 Uhr im Center da sport e cultura in Disentis.

Wir laden alle Tanzbegeisterten ein, bei uns hereinzuschauen.

Vorstand: Uniun da gimnastica da dunnas Mustér (Tel. 079 672 50 46)

Uniun da gimnastica da dunnas Mustér

Nossa uniun ha ina nova purschida:

«Line-Dance» 1 x per meins

Cu: gievgia, ils 12 da november, ils 17 da december ed ils 28 da schaner 2016, allas 20.00 el Center da sport e cultura Mustér.

Nus envidein en tuttas interessadas pil sault, mirein en la halla da gimnastica!

El num dalla suprastonza (tel. 079 672 50 46)

Uniun da Kneipp Surselva

L'uniun da Kneipp Surselva envida ad in referat a Mustér en Claustra, gliendisdis, ils 9 da



november allas 20.30. Igl anteriur avat Daniel Schönbächler referescha sur da sias experient-
schas cun la kinesiologia.

Sin stedia participaziun selegrein. *L'uniun da Kneipp Surselva*

Der Kneippverein Surselva lädt zu einem Vortrag ein.

Im Kloster Disentis, am **Montag, 9. November**, um 20.30 Uhr. Der ehemalige Abt Daniel Schön-
bächler referiert über seine Erfahrungen mit der Kinesiologie.

Wir freuen uns auf Euch. *Kneippverein Surselva*

Uniun da dunnas Mustér

Radunonza generala extraordinaria venderdis, ils 13 da november 2015, 20.00 el Center
aua Viva a Raveras

Tractandas

1. Elecziun da duas dumbravuschs
2. Protocols dils 25 da mars 2015 e dils 27 da matg 2015 Interessentas san prender investa dils
protocols mes'ura avon la radunonza.
3. Gruppa d'interess: Cuorta info davart la lavur ed ils resultats dil questiuari
4. Structuras futuras dall' Uniun da dunnas Mustér: Presentaziun, discussiun, aprobaziun
5. Elecziuns: Suprastonza
6. Info acziuns 2015/16
7. Varia

Da vossa stedia participaziun selegran

Suprastonza e gruppa d'interess

Cinema Salaplauna – Stallkino

«10 Milliarden – wie werden wir alle satt?» (Schweiz, 2015)

Mesjamna, ils 18 da november 2015

Im Laufe dieses Jahrhunderts wird die Weltbevölkerung auf zehn Milliarden anwachsen. Wo soll
die Nahrung herkommen, die jeder Einzelne täglich zum Überleben benötigt? Wie können wir
verhindern, dass die Menschheit allein durch ihr Wachstum die Grundlage für ihre Ernährung zer-
stört? Anschliessend Diskussionsrunde zum Thema Ernährungssicherheit

18.30 suppa e bar

20.00 entschatta dil film

Entrada libra; collecta per cuvierer ils cuosts.

Cordial beinvegni.

Center sursilvan d'agricultura, www.agricultura.ch

Biblioteca populara Disentis/Mustér e contuorn

Notg da raquents svizra 2015 – «Striegn e gats ners»

Tier la notg da raquents svizra – la pli gronda occurrenza culturala da nossa tiara – envidein nus
Vus cordialmein.

En collaboraziun cun affons dalla 3. e 4. classa da Mustér, Medel e Tujetsch vegnin nus a passen-
tar ina sera magica cun bia striegn e versets da strias. Nus s'entupein **venderdis, ils 13-11-2015**
allas 18.00 avon la biblioteca.

Sin massa hosps selegran

las pintgas strias e striuns sco era il team dalla biblioteca



Uniun Parc Adula

Exposiziun publica Charta Parc Adula
Mira sut Surselva!

Verein Parc Adula

Veröffentlichung Charta Parc Adula
Siehe unter Surselva!
